

國醫學院講義教材

——藥物學合訂冊——

◀ 一卷 ▶



(9)

新國醫講義教材 藥物學

藥物學總目

山草類五十九種

隰草類五十六種

蔓草類三十五種

香草類三十七種

水草類七種

石草類四種

毒草類二十七種

喬木類二十三種

灌木類二十四種

香木類二十一種

寓木類七種

新國醫講義教材 藥物學



新國醫講義教材 藥物學

竹類五種

菓類五十二種

穀類三十一種

菜類二十一種

味類八種

金石類四十四種

土類十種

禽類十八種

獸類三十四種

鱗介類十九種

昆蟲類二十四種

人類九種

水類十五種

附十八反歌訣

山草類目錄

人參（參類）參盧 黨參 別直 高麗參 西洋參 東洋參 丹參 沙參 元參 苦參 蒼朮 白朮 甘草
（節稍）黃耆 遠志 玉竹 知母 貝母 秦艽 白鮮皮 升麻 柴胡（銀柴胡） 前胡 獨活 細辛
防風 羌活 桔梗 黃連 胡黃連 黃芩 天麻 龍膽草 茅根（茅針 茅花） 延胡索 地榆 巴戟
天 肉從蓉（鎖陽） 淫羊藿 貫衆 金毛脊 白芨 黃精 白薇 參三七（一名山漆） 白頭翁 薺
芫 仙茅 白前 紫參 山慈菇

隱草類目錄

地黃 麥門冬 牛膝 紫苑 川斷 車前子 扁蓄 燈心 甘菊 益母草 麻黃 款冬花 冬葵子 萱
花 白堊藜 沙苑 旋覆花 紅花 小薊（大薊） 夏枯草 葫蘆巴 牛蒡子 艾葉 木賊草 豨薟草
青蒿（葉子） 肉苁 海金沙 穀精草 青黛 連翹 馬鞭草 葶藶子 王不留行 瞿麥 地膚子 決
明子 青葙子 紫草 土牛膝根（附鶴虱） 蘆根（附葶筴） 旱蓮草 大青 敗醬 馬勃 蒼耳子
劉寄奴 板藍根 甘蕉根（即甘蘆） 苧麻根

蔓草類目錄

天門冬 五味子 天花粉（玉露霜） 瓜蒌（仁皮） 木通 通草 葶藶 金銀花 葛根（葛花） 何

首烏（夜交藤） 馬兜鈴（青木香） 百部 菟絲子 鉤藤 覆盆子 防己 威靈仙 紫葳花 使君子
山豆根 白薇 土茯苓 茜草 木鼈子 漏蘆 燕脂 牽牛 藤黃 青風藤

草部

編者論曰草者天地之所生也剛柔相交陰陽相盪而成根莖枝葉榮華屬陽花實屬陰由是得氣之粹者爲良得氣之戾者爲毒故同一物也而各具五色五性五臭五味五氣之偏卽有相反相畏相惡相使相須之用炎農膏而辨之軒岐述而著之苟不查其精微審其善惡其何以權七方衡十劑而寄死生耶

山草

人參 性稟甘平，功資脾肺，氣純味厚，補真元而益血生津，助衛充營，安五臟而寧益智，鬚則橫行支絡，補而下行，蘆堪嘔吐虛痰，苦能上達，黨參則出於西潞，甘平賴以培中，別直乃產自高麗，溫熱宜分種野，如補虛而清肺，西洋參甘苦性寒，欲益氣以培脾，東洋參甘溫力厚。（人參產遼東吉林高麗等處其草生山之北背陽向陰故收藏亦不喜見風日地爲陰此物得土之旺氣而生故能大補中州元氣以真元之氣起於陰中上及於肺人參能從陰中補陽使脾肺元氣皆旺則臟腑氣血均受其蔭庇自然陽生陰長爲補藥中純厚之品倘乾薑附子則補而兼溫同石膏知母則補而兼清古人發表攻裏諸方每每加用均有深意至於得陳皮則益氣得當歸則益血何臟之虛則用何臟之藥以引之卽可取效由是觀之可見人參之性亦如土之性土無定位德備四

謂之象矣，參鬚性味相同善行脈絡但補力不及耳下行者亦如人參之從陰中補陽自下而上也又根鬚皆有向下之意，參蘆及參之生苗處性升味苦性寒主湧吐風痰在胸膈間而又兼虛者，黨參出山西潞安者爲上其餘所出者皆次之甘平之性用以培補脾肺元氣頗佳若虛盛而危急者亦非所宜非人參之大力不能也，別直爲高麗國所產所出之參其功用性味與人參相同但補力稍不及皆以野生者爲佳有一種種出者土人以子播種用硫黃等物沃土則土肥易茂服之每每腹脹其性熱，西洋參出西洋味苦而甘其性寒色白其清養之力有餘補助之功不足大抵肺部虛熱者宜之，東洋參出東洋色淡黃味甘性溫補脾胃中氣其補力固不及人參別直而較黨參爲優與西洋參有寒溫之各異耳）

丹參 功同四物，能去瘀以生新，色合南離，善療風而散結，性平和而走血，須知兩達乎心肝 味甘苦以調經，不過專通於營分。（丹參雖有參名但補血之力不足活血之功有餘爲調理血分之首藥其所以療風痺去結積者亦血行風自滅血行則積自行耳）

沙參 補肺陰之不足，甘苦微寒，降金令之有餘，肅清上熱，疏痰利欬，南參力薄形鬆，體潤質堅，北者功優性滑。（沙參處處山原沙地皆有之古無南北之分然觀各家本草云其色白其根多汁等語似指北參而言若南參則質粗大而鬆氣薄味淡大抵甘寒入肺清養之功北遜於南其潤降之性南不及北耳南北之分亦各隨地土之所出故大小不同質堅質鬆有異也）

元參 入腎滋陰，皆取鹹寒歸下部，清咽利膈，都因降引浮陽，故又兼達肺經，除上焦之煩熱且可潛消痼毒，退時氣之溫邪，性滑色玄，滯脾妨胃。（元參一名黑參其色玄其質潤甘鹹而寒功專入腎其種種治法皆不外乎壯水潛陽肺不受火刑逼之意至於溫疫癰疹皆恐熱傷腎水故可用之古人有五參之名以五色配五臟此亦其一也近道山谷處處有之）

苦參 大苦大寒，純陰純降，達心脾而及腎，三經濕熱盡蠲除，治疥癩與諸瘡，下部火邪都渙散，夢遺精滑，皆緣濕火爲殃，血痢腸紅，並是陽邪作咎，若治黃痺積聚，宣洩中州，至其逐水殺蟲，統通火腑。（苦參苦寒沉降之品宜入腎臟血分多服則腰重不能行立以其降性太過傷腎傷骨也非下焦濕火熾盛者不宜用之其所以能治風殺蟲亦熱生風濕生蟲耳宜用於洗方丸方中爲佳若煎方宜少用）

蒼朮 辛苦氣溫，燥濕強脾能發汗，芳香質壯，宣中解鬱並驅邪，破水結之辭囊，濁痰盡化，平胃中之敦阜，瘴癘全消。（蒼朮漢時名亦朮處處山谷皆有之而以江蘇茅山者爲上其形較白朮爲小切之內有硃砂點其味辛苦其氣香烈燥散之性則有餘補助之功則不足也專入脾胃陰虛血燥者忌之）

白朮 補脾燥濕，法乾健之功能，冬採野生，隨坤土而運用，化水痰於胃脘，腰膝血結並能搜，進飲食於太倉，妊婦胎元均賴固，脾虛久瀉，濕燥多靈，痺着諸邪，苦甘有力。（白朮產浙江安徽等處以於潛野生者爲佳土人皆用種法種之冬採者爲冬朮以冬令則精華凝聚於根也爲補脾之正藥脾喜溫燥白朮之性氣溫

而燥能補脾而資其健運脾健則運化有權諸病皆愈耳白朮雖燥中有膏汁雖日晒後即復還軟剛中有柔故脾陰不足者亦可蜜灸用之白朮之補脾燥濕當與陳皮茯苓同用否則恐力滯性以其中含津液是以能閉氣故又宜土炒用之

甘草 味甘性平，和中解毒，生用退虛熱之功，補中寓瀉，灸服助脾元之力，守內有常，推其緩急多能，故諸病均堪相濟，且可協和羣藥，而各方隨處咸宜，節醫腫毒成瘡，癰疽有驗，梢止陰莖作痛，淋濁無憂。○（甘草色黃味甘屬土爲脾胃之正藥能補諸虛善解百毒遇土則化之意凡甘藥皆能緩中甘草味極甘故熱藥得之緩其熱寒藥得之緩其寒同補藥則補同瀉藥則瀉緩一切火止一切痛惟中滿因於邪滯者不宜用之外科方中最宜但甘草味過於甘若多服單服則中氣喘滿令人嘔吐）

黃芪 固衛氣而實皮毛，斂汗托瘡，宜生乃效，補中州以資脾肺，陽虛血脫，當灸爲良，味甘性溫，色黃氣厚。○（黃芪一作耆耆老也爲補藥之長故名生耆雖補中而善行衛分能益氣固表得防風則補而不滯行而不泄其功愈大同當歸則和營達衛灸用則大補中氣有陽生陰長之理黃芪之補善達表益衛溫分肉肥腠理使陽氣和利充滿流行自然生津生血故爲外科家聖藥以營衛氣血太和自無瘀滯耳）

遠志 開心竅而洩熱搜邪，味屬苦辛，兼能散腫，通腎氣以安神益志，性含溫燥，並可療忘。○（遠志苦辛而燥專入心腎二經所謂遠志者以腎藏志遠志能宣洩腎邪邪着則志不定邪去而志自遠大也能通腎氣上達於

心使腎中之水上交於離成既濟之象故能益志療忘然畢竟宜泄之品無補益之功故一切癰疽外證若因七情內鬱氣血不調者外敷內服並皆治之

玉竹 補脾潤肺可填陰，有金玉威儀之象，散熱搜風不礙補，具甘平潤澤之功。（玉竹其根多節多鬚如纓絡下垂之狀而有威儀故又一名威儀色白微黃味甘微苦氣平質潤之品培養脾肺之陰是其所長而搜風散熱諸治似非質潤味甘之物可取效也如風熱風溫之證最易傷陰玉竹養陰而不礙邪故古人立方有取乎此也）

知母 退腎臟有餘之陽，能壯水清金，甘苦微辛質厚滑，清陽明獨勝之熱，治風消燥效，沈陰且降氣純寒。（知母味苦微帶辛甘氣寒質潤氣味俱厚沈也陰也故能入足少陰腎經清有餘之相火以其色白味甘故又能清肺火除胃熱然陰寒潤滑之品過用則有妨脾胃耳按知母須肺胃腎三經火盛陰虧之證或熱中消渴者乃可用之不可但知滋陰之功而忘其損陽之害也）

貝母 甘寒潤肺可消痰，當求川種，解鬱寬胸且散結，言采其蟲，象具之功，治效還能解表，浙中所種，疏痰並可消癰，爲肺燥之神丹，清心滌熱，乃脾濕之禁劑，微苦兼辛。（貝母川產野生者良性味甘寒微苦色白而潤專入心肺善解胸中鬱結之氣蓋鬱則生熱熱則生痰故貝母治火痰燥痰有功亦鬱散結化痰除熱之痰除而肺欬自寧耳今浙中所種者形亦相象而較大味兼苦劣用亦稍異耳又貝母以其有解鬱散結化痰除熱之功故一切外證瘡瘍用之而效者亦此意也所謂毒者即火結氣鬱所致火解氣舒又何毒之有哉）

秦艽 養血祛風，和營利水，疏肌解表，苦平略帶微辛，散熱潤腸，入肝又能達胃，濕勝風淫之證，賴以搜除，筋痺骨痠諸邪，仗其宣利。（秦艽出秦中其根和羅紋相交故名之味苦而辛性平質潤雖有養血之能畢竟散邪之品然風邪在表宜用解表者又非其所長止可於營血中搜除風寒邪三氣痺閉之邪耳又按秦艽苦勝於辛全無甘味苦能泄辛能散故本經稱其能散風逐濕然散風濕之藥多燥此獨偏潤故又爲風藥中潤劑觀其質潤羅紋相交即知其祛風逐濕中而能和營血行經絡矣）

白鮮皮 氣寒善行，味苦能降，清脾胃之濕熱，導水宣邪，治癰癩與瘋瘡，行皮達肺。（白鮮皮苦氣直清肺脾濕熱下行故本經能治女子淋瀝陰中腫痛等證亦謂其下行而祛濕熱也肺主皮毛脾主肌肉肺脾之濕熱清則皮肉之瘡瘍可愈耳功用不過如此又此藥味兼微鹹能行血分然沉陰之性若下部虛寒者不可用之且其根有羶濁之氣又易敗胃）

升麻 升至陰於下極，達胃疏風，鼓脾土以上行，入腸治利，辟邪解毒，辛甘發散爲陽，治痘消斑，宣透鬆肌有效，帶下脫肛等證，陷者舉之，陰虛火動諸方，又當禁使。（氣升麻辛苦甘溫味氣俱薄升也陽也觀本經辟邪殺鬼之治其功可想入脾胃二經能升脾胃中清氣使之不陷解散脾胃表邪解表生用升氣密灸用出川中根色紫黑削去外皮則現青綠色故又謂之綠升麻此藥入陽明升散之力太過當審慎用之）

柴胡 稟春氣以生升，轉旋樞機，主少陽表邪之寒熱，味苦寒而輕舉，通調上下，治厥陰熱蓄之譫狂，木

鬱達之，疏土暢肝散結氣，銀柴性似，涼瘀滯熱理疔癆。（柴胡得春初生發之氣以生氣味雖微苦微寒而力甚薄故無降泄之性而有生升之能專入肝膽二經能條達木鬱疏暢氣血解散表邪如同補藥用以升舉清氣從左而上宜密灸用之銀柴別有一種從來註本草者皆言其能治小兒疳熱大人癆熱大抵有入肝膽涼血之功性味與柴胡相似故上古所不分耳柴胡之用任升散若陰虛火炎氣升欬嘔吐等證不可用之惟宜於春月時邪風溫等證內應肝膽者最為相宜銀柴胡出銀州其質堅其色白無解表之性雖同是用根性味相仿上古雖不分究竟各有所宜耳）

前胡 辛能散風邪，苦以泄肺氣，寒堪清上，降可除痰。（前胡辛苦而寒專入肺經能解散外感風熱外邪解則肺氣自降痰火自除故又能降氣下痰耳前胡之解表邪惟肺胃積氣有熱者可用之）

獨活 芳香氣散，辛苦性溫，搜少陰之伏風，表邪可解，宣腎經之寒濕，痺病能除，可愈奔豚，並療諸疔，因其有風不動，無風反搖，故能散以搜風，風以勝濕。（獨活一莖直上不為風搖故名羌活獨活本一類二種皆辛苦性溫解散肌表風寒濕邪之藥但獨活入足少陰羌活入足太陽然太陽與少陰為表裏經絡相通不過獨活之性細而優羌活之性粗而劣故一治伏邪一治遊邪為異耳獨活氣香質細屬陰中之陽沉而能升緩而善搜故入足少陰血分從內至外可治奔豚疔瘰寒濕痺痛等證又云獨活出川中由此觀之則羌活獨活之用可知矣）
細辛 性味辛溫，能發少陰之汗，輕揚香烈，可宣肺部之邪，散心下之水停，獨除嘔欬，解腎經之熱鬱，

從治咽瘡，性屬純陽，用宜審慎。（細辛其根極細其味極辛故名香竄溫熱之性氣味俱厚專入肺腎二經解散風寒宜利上焦諸竅浮熱燭除心下停飲傷寒入足少陰經並用此發之細辛之與麻黃猶獨活之與羌活耳細辛產華山之北其色黃其中空與麻黃相似但麻黃用苗細辛用根細辛香而麻黃不香故麻黃入足太陽氣分細辛入足少陰血分表裏各異也）

防風 走太陽兼達肺通肝，表解風疏，甘辛溫之力，得黃耆則寓宣於補，痺舒邪化，隨所引俱宜，且爲脾胃引經，風能勝濕，都道中微辛伍，潤可柔枯。（防風能通行一身防禦外風故名爲散藥中潤劑太陽主一身之表風氣通於肝肺主皮毛故皆人之補脾胃藥用之爲引者以疏風則木不鬱濕去則土自健耳非防風能補也防風本是太陽發汗疏風之藥而云能去經絡留濕者濕從汗出也黃耆固表防風渴表黃耆畏防風然得防風其功愈大）

羌活 辛溫雄壯，散肌表八風之邪，獨走太陽，利周身百節之痛，濕留於表，由汗能宣，病在於顛，惟風可到。（羌活一云產自西羌胡地其形較獨活爲雄其氣較獨活爲猛其主治雖與防風相似而尤過之以防風之散風甘而潤羌活之散風辛而燥爲異耳餘詳獨活條羌活入足太陽氣分雄而喜散以統遊風與獨活之氣香入足少陰血分以治伏風者辛苦溫燥則同而主治不同也）

桔梗 爲諸藥之舟楫，開提肺氣散風寒，掃上部之邪氣，清利咽喉平欬逆，升而復降，宣胸快膈有功，苦

且辛平，泄鬱消痰多效。（桔梗味苦而辛性平入肺一切肺部風寒風熱皆可用此解散之從辛也其降氣下痰從苦也肺喜清肅以下行為順外邪固束則肺氣不降氣不降則生痰桔梗能治之惟陰虛氣升者不宜耳桔梗色白爲肺之專藥凡一切肺痿肺癰寒熱欬嗽皆可治耳）

黃連 味苦性寒，體陰質燥，能化心脾濕熱，蘊留之痞滿全消，可除痢疾蟲瘡，粘膩之熱邪悉去，伏梁成積，可破可宣，目赤攀睛，能消能降，癰鬱火邪均解退，口疳鼻齕盡蠲除。（黃連味極苦性極寒質極燥專入心脾清有餘之實火而化濕邪治上焦則酒炒治中焦用薑汁炒治下焦以鹽水炒欲其治何臟腑之濕火則加各經引導之藥然苦降之性爲多即其治痢治目治痞等法非有濕熱實火者不可輕用出川中雅州者更勝氣味俱厚爲必脾有濕熱癰積者爲宜不特陽虛當禁即陰虛有火邪者亦不宜用恐苦燥之氣反助火化耳）

胡黃連 沉寒入肝膽有功，治濕熱稽留，小兒疳積，苦燥與川連相似，理傷寒勞復，男子黃痺。（胡黃連從胡地來其性與川連相似而苦寒無川連之盛古人雖稱其入肝膽二經然苦寒之品斷無不及於心脾者觀其治小兒疳熱大人勞復黃疸等病非脾之濕熱而何故用藥不可執泥也大抵川連之與胡黃連亦如柴胡之與銀柴胡故銀柴胡胡黃連二物每每並用胡黃連其根外黃中黑與黃連之純黃者不同故此人肝膽之功較川連爲尤勝也）

黃芩 苦入心脾，堅腸胃而性燥，寒行肝肺，除濕熱之功多，質虛而空者爲枯芩，上達可治心肺肌表之鬱

火，色青而堅者爲條芩，下行能除肝膽腸內之陽邪，同白朮可以安胎，火退則胎安之義，合白芍又堪止痢，熱除有痢愈之機。（黃芩處處山原皆有之其根中心皆腐去故外雖黃而內帶黑色均爲之枯芩片芩惟條芩子芩係新發之根中實有心而兼青色雖有治上治下之不同畢竟苦寒性燥之品傷脾敗胃非上中有濕熱邪火者不可浪用況又有久而增氣之說乎黃芩之苦寒性燥固與黃連相似而黃連味厚黃芩味薄黃芩能入肝肺行肌表黃連則不能因所稟形色氣質不同故主治亦異耳）

天麻 定虛風，理眩暈，因有有風不動之稱，達肝臟，味辛溫，當知質燥偏陽之品。（天麻其根如大芋旁有小子十餘枚離大魁數尺迴環衛之其莖獨枝如箭葉生其端有風不動無風反搖故一名定風草獨入肝經能治一切虛風眩暈之證凡水虧肝虛陽虛土敗者易生內風天麻能定內風而不能散外風又非羌防等可同日語也此物同補藥則治虛風同散藥則治外風總之一切諸風皆可賴以鎮定既不能發散又不能滋補但天麻之性辛甘而溫升也陽也獨入肝經氣分爲定風之主藥不特陰虛之風可用即陽虛之風亦可用內風可定外風亦可定各隨佐使而立功耳）

龍膽草 苦瀉氣寒，沉陰味劣，治淋治日，皆清肝膽之陽邪，消蠱消癰，總退下焦之濕火。（龍膽草其味苦如膽汁其性大寒專清肝膽一切沒餘之邪火蟲因濕熱而生癰屬濕熱所致如因虛而致病者不可用之此藥直泄下焦如下虛之人誤服每至遺滑不禁胃虛者服之即生嘔噁傷陽收胃慎之）

茅根 甘能益血，寒可涼瘀，導上熱以下行，消痺利水，去內心而外透，散熱除風，止渴通淋，清胃兼能清肺，潰癰治痢，茅針卻異茅花。（茅根此物自本經以下諸家本草皆未云可以發表今人皆用之發表未知何意考其性味氣寒味甘質潤其所謂發表者安在哉不過清養肺胃涼瘀滌熱是其所長除風之說亦血行風自滅之意耳觀古人用茅針煎服可以潰膿茅花煎服可以止血皆所以入血分也每見昔人治吐衄不止用茅根搗汁服之即止則茅根之用概可知矣）

延胡索 行血中之氣滯，質屬溫香，使氣順而血調味兼辛苦，入胃搜瘀除冷痛，達肝通治婦人經。（延胡索辛苦而溫色黃氣香其形堅實肝家血分藥也能行血活血而又能理血中氣滯故一切氣血阻滯作痛者皆可用之若病不因氣血阻滯而涉虛者又不宜用延胡索本屬肝經血分之藥而能治胃痛者以肝邪瘀滯乘胃而作痛也）

地榆 酸苦入營陰，肝與大腸皆可及，沉寒涼血分，火同濕熱總堪除，且能散腫疏風，瘡疹常用，並可療崩治痢，痔漏多宜。（地榆入肝涼血是其本功痔痢等證雖由於大腸然皆出於血分中之濕熱地榆能除血中之熱熱除則濕自去耳地榆非疏風藥不過血熱則生風血涼則風自息矣至其治崩者亦由血爲熱逼而妄行所致當灸然用之如因脾虛肝鬱不因血熱者不可用也）

巴戟天 能入腎肝血分，起痿強陽，質屬甘苦辛溫，益陰固下，疝瘕脚氣，藉以溫通，痺濕風寒，資其宜

導。(巴戟天其根壯如牡丹而結細過之外赤內黑去心用專治肝腎陽虛補而不滯宜而不燥故凡一切風寒濕痺於下焦腰膝諸證皆可治之其氣味甘溫之中略兼辛苦色紫質重其功可想觀巴戟之用爲下焦肝腎血分之藥能補陰中之陽若陰中真水不足而相火旺者不宜用以其味兼辛苦氣溫非純靜之藥耳)

肉蓯蓉 壯陽滋腎，甘鹹少帶微酸，補命通幽，溫潤且猶兼黑，鎖陽之性，主治相同。(肉蓯蓉草類也其狀柔軟如肉形有鱗甲如松枝一云馬精遺地而生者亦未知然否甘鹹溫潤色黑專入肝腎能益精壯陽但無峻補之力却有滑腸之能故雖肝腎不足而脾虛便溏者不宜服之鎖陽亦一類二種耳鎖陽出處形質性味功用皆與蓯蓉同爲腎經血分藥能補下焦陽中之陰與巴戟之補陰中之陽者略異故凡老人陽中之陰不足而致大便結燥者宜之)

淫羊藿 有助陽補火之功，辛味獨專，甘香並至，治腎弱肝虛等疾，寒淫所勝，痺痿咸宜。(淫羊藿一名仙靈脾其葉似葶藶羊食之則喜淫辛溫之性峻補命門之火故凡下焦一切風寒濕痺之病皆可治之惟陰虛陽勝者不宜服耳此藥僅助火益陽雖能補命門然香燥之品極易傷陰較巴戟蓯蓉過之)

貫衆 辟時行之疫癘，入血除邪，化疔毒與癰疹，散瘀解熱，殺蟲化哽方多效，入胃行肝苦且寒。(貫衆多生山陰近水處味苦性寒有小毒故本經主治腹中邪熱諸毒殺三蟲等語皆取寒能勝熱以毒攻毒之意其所以治諸血病者亦血因熱結用此寒散之力也察其形性肝胃血分之藥一根能貫衆枝故名皮黑肉赤血分藥也其根

叢生雖苦寒而能解散有小毒而能解毒凡遇時疫盛行痘疹竊發皆以此浸木甌中辟之）

金毛脊 苦甘有強筋骨之功，腎肝並補，溫燥能利機關之疾，痺痿皆療。（金毛脊其根形如狗脊或如狗形

有金黃毛苦溫性燥長於治風寒濕痺利機關強腰膝是其本功至益肝腎壯筋骨補性似不足耳此藥苦中兼甘性溫而燥其色紫如肝腎虛而有風寒濕邪痺着關節者最爲相宜若純虛無邪亦非其治也）

白芨 清金治嗽，苦辛甘溫性平寒，止血生肌，散結斂瘡質膩滑。（白芨色白味甘苦兼辛氣平微寒性滑有汁極粘膩得秋金之令而主收斂專入肺家血分故止血止嗽生肌治瘡皆取用之然必虛而有熱者乃爲相宜耳白芨雖稟秋金收斂之性而仍具苦泄辛散之意與白斂相近故每相需而用但非治病緊要之品耳）

黃精 甘可益脾，使五臟豐盈，精完神固，潤能養血，從後天平補，辟穀充饑。（黃精得土之精氣而生甘平之性故爲補益脾胃之勝品土者萬物之母母得其養則水火既濟金木調平諸邪自去百病不生矣然濕膩之品久服令人不饑若脾虛有濕者不宜服之恐其膩膈也此藥味甘如飴性平質潤爲補養脾陰之正品可供無病人服食古今方不見用之）

白薇 鹹苦入陽明，寒能勝熱，芳香走血分，涼可除蒸，利水益陰，兼治癰淋成閉，產虛煩嘔，並醫血熱生風。（白薇其根色白微細如絲故名味苦而鹹性寒而香故能清解血分熱邪凡一切時邪溫病熱傳營分下午爲盛者最宜其所以益陰利水者亦熱退則陰生陰生則水利也能入陽明者因金匱竹皮大丸一方用白薇以治產